



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**S. Ioannis Damasceni Historia, De Vitis Et Rebus Gestis  
SS. Barlaam Eremitæ, Et Iosaphat Indiæ regis**

**Johannes <Damascenus>**

**Coloniæ, 1624**

B. Ioannis Damasceni Vita Ex Variis Avctoribus desumpta.

**urn:nbn:de:hbz:466:1-45244**

B. IOANNIS DAMASCENI VITA EX  
VARIIS AVCTORIBVS

*Patria.*

desumpta.

**D**Ivo Ioanni Damascum *Patria;*  
hinc illi Damasceno nomen: *Ma-*  
*iores* opibus, nobilitate, in Deum pieta-

*Genus.*

*Præceptor*

*Cosmas.*

te clarissimi; quo etiam factum est, ut  
infignes eos, inter medias impiorum  
cateruas, virtus redderet. *Præceptorem*

habuit Cosmam ex Italia Philosophū,  
vitę monasticę cultorem peregrinum:

quem Barbarorum excursionibus cap-  
tū Saraceni Principis liberalitate, non  
sine prece, precioque, filio doctorē, pa-

rauerat parens. Cuius ope potissimum,  
operaque, Grammaticis instructus di-

*Omnes  
scientias  
calles.*

sciplinis; Rhetorumq; præceptionibus  
perpolitus; Dialecticis, Arithmeticis,  
Geometricis, Musicis, Physicis, atque

adeo Theologicis exercitationibus ex-  
ercitus, breui in id eruditionis, doctri-  
næque peruenit, ut instituentis senten-

*Fit Cons.*

*liarius*

*Principis.*

Magistrū discipulus vinceret. Inte-  
rim Pater moritur; & Ioannē nostrum,  
reluctantem licet, Principem iubet esse

Consiliarium, Saracenus Princeps.  
Sæuit eodem tempore Leo Isauricus,  
sacrarum imaginum hostis acerrimus,  
cuius

cuius furori, libellis, ac literis ad ami *Leoni Leo-*  
 eos Catholicos occurrebat, seseque ob- *noclasta je*  
 iiciebat Damascenus: frendente Tyrā *opponit.*  
 no, seq; in oēs partes vertente, vt tanto  
 imaginum propugnatori dolū strueret,  
 struxit. habitaq; epistola digna est, ac  
 cōmoda, tāti sceleris occasio. Ergo Im-  
 peratoris fraude, miro studio, scribūtur  
 literæ; quæ Ioannis literas, tum dictio-  
 nis grauitate, ac venustate; tum ipfarū *Epistola*  
 literarū ductione, ac protractione, ef- *falsa Da-*  
 fingerent, quibus impium Leonem Io- *masceno*  
 annes commonebat, ne rei bene geren *efficit.*  
 dæ occasionem labi permetteret: exi-  
 guis copijs Damascum teneri: tantum  
 animis opus; perleui momento, rem  
 magnam geri posse. Neque se Christianum,  
 Christiano Imperatori, contra  
 Saracenum Principem, re, consilio, de-  
 futurum: tantum maturato opus esse;  
 ne serò pœniteat, sapuisse seriùs sce-  
 lestum scelesti callidiq; Imperatoris  
 commentum, vt Vlysssem crederes no-  
 uum, equum nouum, ad nouam expu-  
 gnandam Troiam, fabricasse.

Addit his literis, Leo, literas alias, ad  
 Saracenu Principē Damascenum: pace  
 nihil sibi antiquius; vt qua nihil sit da-  
 tū homini beatius: hanc Christiani eu-  
 iusdā ope euersam; tentatā sanè, neq; id

leuiter. Literas sese mittere tentamenti testes. mittuntur; accipiuntur; paribusque animis ad sanguinem decurritur; acceritur Damascenus: ostendatur metiri docta manus: nec fallit tanti dolator doli; cum non lateat, monstrum, in Leonis pectore, vulpecula. Quare purgandi criminis causa temporis sibi paululum concedi Ioannes rogat; negat Barbarus: inauditaque causa hominem damnat: damnationem dextrae succedit praecisio; praecisionem infausta propalam suspensio.

*Dextera  
si praescin-  
ditur.*

*B. Virgini  
supplicat.*

Inde Damasceni moeror, preces, lachrymae, sed ad Deum pie, ad Diuam Matrem sancte, in cuius dextra, dextrae suae salutem cosepultam proclamabat: quam si quis tolleret, nullam iam superesse salutis suae spesperabile. precibus, orationique, prolixior succedit somnus, molestiarum dulce medicamentum. Vix indormierat, cum ecce tibi Diuae Virginis Matris benignitate, liberalique dextera, dormientis firmatur dextera, pendula ante, spectata populo, falsidicis scelesti Leonis fallacis. Et ne facum suspicere, ne seruuli suppositionem; ne non pertruncatam arbitrare; diua mente & consilio, expressa, ac impressa praecisionis certa remanent vestigia. At ut discusso somno firmata dex-

*Manu coe-  
litus recu-  
perat ve-  
stigis reli-  
qua.*

ta dex-

DAMASCENI VITA. 9

ta dextera Diuæ Virginis munus sese ostentabat; inexplicabili voluptate perfusus athleta Christi, sospitatrix Domine laudes decantabat, irremunerabili beneficio pignorus: de que penetrati pectoris petita reddebat vota; reliquas vitæ scriptitationes, ad vsque terminos ultimi spiritus, Diuæ Matri consecrandas. Nec mirum; cuius beneficio redierit dextera, ei totam debet dexteram.

Dixerat, nec in supinam procrastinationem reiecto negotio, confert sese ad Principē Barbarum iam ante fama reigestæ percullum; rem que totam aperit: simul rogat, liceat per eum arctioris vitæ rationem inire, & exorat: denique tanta fuit, & orantis suauitas, & perorantis impetus; vt è renuentis, ac reluctantis Saraceni Principis voluntate, voluntatem exprimeret, clauam nimirum è manu Herculis. Latior ergo Christi miles, contemptis, abire, luxuriæ delictijs, Hierosolymam, loca sacra, Eremitum, vitā monasticam cogitat: Cogitarum factum. Vix enim in amicos, seruos, pauperes, distractis opibus, ardētis desiderij retinaculis: ter sacros Hierosolymorum profusi Christi sanguinis aditus, venerabundus apprecatur.

*B. V. laudes canit  
Et scriptio-  
nē vouet.*

*A Principi-  
pe missionē  
obtinat.*

*Hierosoly-  
mam ter  
visitat.*

A 5 inde

Inde in solitudinem ad Diui viri Sabæ  
Lauram se confert; tanti & animi & iti-  
neris socio Cosma; non illo Doctore  
Philosopho, sed studiorum socio, quo  
cum ætatem primam transegerat.

Atq; hic, reuentibus reliquis, tantū  
erat viro nomē, Senior quidā difficilio-  
ribus morib⁹, in ingenio disciplinis vir-  
tutibusq; exulto, Damascenū nostrū  
in discipulum Magister, in filium ad-  
optat parens: præceptionibusq; & sua  
& discantis doctrina dignis imbuat.

*Regula  
viviendi.*

Ne quid arbitrato suo peragat.

Precibus, lachrymisq; antea actæ  
vitæ sordes eluat.

Nullas inanium rerum formas ef-  
formet animo.

Sibi, suisq; neu fidat, neu credat.

Linguam omnem coerceat, pror-  
sumq; Pythagorissans, meditari con-  
discat, loquitari dediscat.

Nec inania dicta: quæ monitū, factū,  
intuentur oculis, hauriunt auribus.

Interim quo sibi creditum discipulū,  
Senex virtutum nō leuis exactor, indu-  
ret; ad certamina, ad puluerem paret, vt  
robur colligat, commētum bellum cō-  
miniscitur. Per multis onustum sportis,  
quod Palestina negligentius eas habe-  
ret, Damascū mittit, precio duplo iusto

maior

DAMASCENI VITA. III

maiore imposito: quod ne trāsgrederetur cauet seuerius. Nec imperati magistro discipulus segnior, urbē petit; forūque peragrās, omniū in se oculos, liberrioresque cachinnos prouocabat. Cū deridiculo haberetur, precij magnitudine; ipse lutore buxco, macieq; foedatus, impexibarbus, pilis obsitus, neglecto capillitio, disiecta veste, eaq; in urbe, in qua nec multo ante multicolor vestis per texta bysso, purpura radians, gēmis variegata, Saracenorū in sese ora cōuerterat. Quare ad rei nouitatē promiscuē cōcurrentibus, vt & domus vacuaretur studio visionis, fortē fortuna, vt fit, accurrit ex pristino famulitio quidam; qui vultū diligētius perscrutatus, vt agnouit, in cōtrariam faciem obstupefactus, hēsit primò; dein resumptis animis, dissimulata re, precio quod postularat persoluto sportas emit, tot praestantium virorum decantationibus nobilitatas. Inde lætior victoria sui, vir sanctus, Senis parētis repetit cellulam.

Et moritur interim vicinior quispiā Senex; quem carne frater deslebat amarior; fletum secute preces, & armate rationum pōdere; quæ à Damasceno nostro carmen exprimant, solatium ægro animo. Quid multis? vincitur modula-

*Probatum  
à Seneca.*

*Lugentes  
solatur.*

tor melleus; promittitque carmen multa-  
rum precum munus extortum: & abe-  
rat interim Senior Doctor, cum suaue  
concinens, omniscius modifcator, do-  
lorem leuabat fratris, mortem mœren-  
tis fratris: crederes lusciniam, prole-  
ctante verno vapore, concentus suaues  
adsonare. At vt carmen, duri Patris re-  
petentis cellulam insonuit auribus, mi-  
næ, verba, verbera prope, eiectio sanè.  
Quid faceret miles Christi? non proj-  
cit eiectus animum, sed insurgit for-  
tior: viciniore senes excitans prece, la-  
chrymis Senis Parentis socios: accu-  
runt propere, pertentantque mentem  
flecti nesciam. stat illa namque vt me-  
dijs agitata ventis, firmis rupes radioi-  
bus; vt frangantur preces, steter suæ men-  
ti mēs, eo firmior, quo quatitur fortius.  
Nec spes veniæ ni duri Parentis durio-  
rem mentem, mollior frangat filius. Er-  
go secedunt, nequicquam prece fati-  
gantes, pectus ignarum exorariet. Re-  
cedētibus adest Damascenus, quid spei  
rogitans, quid rei referant: negant spei  
quidquam; quippe tam effera, tam pu-  
denda præcepta Senis, vt non omnem  
modò eludant parentiam, sed & au-  
rium fugiant ad natam verecundiam.  
quippe hac vna lege patere reditum, si

*Conditio-  
nem dictu  
fudā am-  
plectitur.*

Lau-

DAMASCENI VITA. 27

Lauræ ambitum peragret, ac suapte manu, monasticarum cellularum sordes eluat.

Lætus parentis iussa Damascenus accipit: lætior peragit ac in vnum collectis omnibus, quæ pro purgamentis cōmoda visa fuere, ingressus cellulam, cellule senis parentis viciniorē, tantorum claras monumentis sordes aggreditur: nec immergere manus eas metuit, quæ Damasci spirarant sæpius, Abrahæ felicis germina: non illam dexteram, Dei Parentis munus nobilissimum. Beatas sordes, quas si sustuleris, magnam Athletæ nostro partem gloriæ detraxeris.

Tacitus interim exercitor Pater, cunctabunda & mente, & oculis perlustrabat, quib. animis doctus parere filius, iussa capefferet: vt vidit lætis, præoptisq; senilia licet membra trahens, aduolat, complexusq; medium, nunc colla stringit, nunc figit oscula, blando mulcens affamine. Beatum se tali parentem filio, beatum ea mente filium: gaudens cecinisse in pœnam, vt obsequeretur in gloriam: simulque laudes promens, de penetrali pectoris, erectum, prensa manu, in cellulâ deducebat. At Damascenus noster eo se deprimat magis, quo extollitur magis: vt mirere, illinc lau-

*Senex col-  
laudat  
virtutem*

dū præconia, hinc submissionis pōdera  
Nec multo post, prima cælitum, Virgo  
Mater senis quietem interpellat: sat su-  
perque Damasceni sui tentatas vires,  
qui callum iam per aduersa duxerit: nō

*B. V. cum  
manumit  
tē inbet.*

vt ignaum pectus, dextramque inglo-  
riam, silentio fouendum diutius: pac-  
tentes faciat campos, liberumque ostē-  
tet puluērem; in quo tanta virtus, tan-  
tumque robur peruagetur. Non vnus  
cellulæ angustijs, tam numerosa re-  
rum indagine multiscium; tot eruen-  
dorum argumentorum peritia Dæda-  
lum coarctandum. Nec longi temporis  
prolatione interposita, senior vt pri-  
mum diei redditus, Damascenum suū  
iniecta dextra, comissimis affatur  
sermonibus, faustaque precatus. Diuæ  
Matris, cæli Domine, iussa depromens,  
monet serio; ne se magistrum diutius  
elinguis sequatur, non in totum æuum  
vocem desuescat: tempus esse, quo illud  
aureum dictionis flumen, illam elo-  
quendi vim neruosam, lacertisque ple-  
nam, in solem theatrumque deducat.

*Hæreticis  
se opponit.*

Nec vacuis hausta mentibus, sospira-  
tricis Domine, senisque monita, pari nã-  
que voluntate, ac facultate; vincita libe-  
raq; oratione, Diuos, Diuorūque imagi-  
nes veneratus, sacrilegi Leonis rabiem  
fre-

fregit, enervauit. Et ut aliud nihil, hoc  
 assequutus, ut & sæculi sui miraculum:  
 fidei Catholicæ debilitatæ propugna-  
 culum: totius posteritatis subsidium  
 firmum, certum, ad improba, impia que  
 hæreticorum euellenda dogmata, iure  
 optimo habitus fuerit.

At dum totus in eo est, ut Dei ter Ma-  
 ximi, Diuq; Matris decantet præconia, *Fit Sacer-*  
 ab Hierosolymorum Patriarcha, Sa- *das.*  
 cerdotij dignitate insignitur meritissi-  
 mo, nec eo tamen segnior: paupertinas  
 reperens casulas, pannosque reculas,  
 quod reliquum ætatis fuit, commen-  
 tando, scriptitando, eo dedit lubentius,  
 quo grauius sceleratissimorum hominum  
 in vniuersam Rempublicam Christia-  
 nam machinationes senserat. Quod  
 dum peragit eo diligentius quo amat  
 fortius, indomito aduersus Leoninos *Moritur.*  
 animos pectore, ad illam Cœlicum do- *sanctæ.*  
 mum Regiam, quæ sibi diem statuit, li-  
 cet sole nolente, strenuus propugnator  
 seuocatur: præpotentis Dei dextera im-  
 mortalem formam induens: ut reductis  
 velis, æternum cum lubeat, liceat indiui-  
 duæ Trinitatis, venerabilem cõspectum  
 apprecari. Hic infractæ mentis exitus:  
 hæc inuictæ præmia virtutis. Quæ quisquis  
 speras, eadẽ spires necessum est. Vale.